

玄覽堂叢書

第一〇五冊

玄覽堂叢書

卷一百一十五

陳謠雜咏叙由

庚申五月以

國訃告哀郡國由涿鹿漁陽歷

洺瀛抵山海出遼西塞上烈

日暑兩車中不能定息每所

至下車輒訪問郵人備知地
方疾苦并覽山川風物之概
伏軾口占旅次出筆墨記之
聊取叶韻以存實錄余非能
詩者讀之似古所謂勞人耶

許挽夫款乃之屬寫其情事
而已因念古三百篇不依譜
韻意或如此雖然出納五言
古之制也痛民隱者採焉倘
亦太史陳謠之本指歟右諭

德張鼎題

陳謠雜咏

華亭史張鼎世調著 門人王鱗子春校

過涿鹿舍中時東方有兵事見道路申
援兵經過令宿關廂母暴苦凡再三題
壁間志感

混沌既鑿天陰符出書契太白高朔方干戈

動黃帝閭龍豈不仁毒螫須禽薙恨彼蚩尤
雷而開萬世屬繇來話戰場屈指軒轅地佳
兵一濫觴擾々八千歲我皇學空同垂裳
倣古製固多不殺威亦有時雨濟年來守四
夷狂犬東陲噬當關戰士死出塞將軍殪不
聞霍嫖姚兼有中行說御書賜故劍幕府

發新誓飲血懸胡頭滅此不再計未許犁庭
南設險先防衛將推九塞雄士揀三河銳乘
障數未盈軍書晝夜遞樞密下虎符催督及
推善郡邑窮僉派丁男并贅壻出門各吞聲
十室九流涕不受塗旅欺忍作沙塲瘞兵多
餉亦艱司農又告瘠精衛填滄流力竭終難

繼豈有不涸倉年年添額稅割鼻療腹飢腹
克鼻已劓中原民力枯扶桀詎能繫我從此
地過援兵日連袂馬蹄似梭織飲食如流逝
況有使車來供傳繁屬隸因此一方苦太息
畿南敝救救竟如何營平聊補綴

援兵謠

過慶都目擊援兵暴苦民間為
作此蓋實錄也

老翁土床卧牛衣老媪當窓紉破襦稚兒灶
上憂釜糜薄不克兒腹饑驚聞一聲叩門
急彎弓帶箭橫闖入稚兒哭走床下匿戔翁
下牀相煎逼驅媪取火急烹煮東隣買酒西
隣黍東西兩家各受兵一粒一滴不肯予老
翁老媪跪痛哭今日肚皮昨日粥賣衣典袴

止百錢獻與長官來折乾長官出門怒如虎
走往前街尋大戶前街大戶緊閉門拋石敲
破正黃昏殺鷄炊黍忙相迎酒漿澹泊怕逢
嗔既供醉飽索鋪陳直入卧內據床裊妻女
羞啼各奔竄灶前火滅人影斷五鼓仍來治
早食但求飽食上征鞍出門未去索官馬馬

頭哀告馬箠下官馬不百兵幾千况兼骨立
不堪鞭沿村搜括來充數上馬瘦勒貼錢
馬頭十賠九逃散縣官束手空長嘆千瘡百
孔一隊過後隊又到來徵辦我聞岳家軍撼
之難撼山取民一笠法輒死旌旗不擾民相
安大將治軍有紀律金錢不愛身為先而今

將帥少忠赤駕馭無方事姑息浪誇大劍薊
毛錐借之爪牙生羽翼沙場未見戰士苦百
姓苦兵倍苦虜假饒攬斷濕同江難救流離
哭三輔庶將精兵不在多遼邊未實它邊疎
約束全無共見戲軍前百萬何為乎嗚呼廟
堂調兵奈爾何

募兵謠

募兵苦於聞於州邑諸君太史陳謠以告當事異有採而用者

長白兵氣亘砂磧黃龍塵昏封豕鬻將軍鼓
輦戰不力幕府攢眉檢兵籍三河材官出里
閭六郡丁男起棘鋤西川鏢弩西秦甲南楚
戈鉞晉射䟽十萬雄兵苦未足溪酋尚長徵
呼續白簡脅糾奉詔遲紫衣還寵勤王速紛

紛兵車動天下中原驅民似驅馬長途汗喘
筋力疲躄躅不進鞭捶打開築僉勾城旦春
匠夫起送鬼薪同部檄征牛窮冀北詔書募
士又河東河東與北三輔里田土汙萊民甯
徙未聞義士樂從軍那有征夫去遠壘繡衣
持斧霜簡白黃門幕下聲靈赫 聖旨欽依

勒限嚴邊書來告添兵迫勒限添兵可奈何
不求精銳只求多通都游手虎生翼沐猴而
冠飛而食州縣逢迎求免叅醵錢來媚旗牌
官一兵安家兩兵費買得旗牌填作喜鄉村
里甲苦調停十家編戶出一丁父兮哭子兄
哭弟寧死里門不捨去博徒惡少來它鄉饑